



REPUBLIKA E SHQIPËRISË

SHOQËRIA RAJONALE UJËSJELLËS KANALIZIME SHKODËR SH.A

Date 13.08.2026

PROCESVERBAL – Tipi i kontratës - Sherbime

PËR ARGUMENTIMIN DHE MIRATIMIN E KRITEREVE PËR KUALIFIKIM

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: Konsulence per cyber security, pentest dhe analiza e boshlleqeve

KODI PËRKATËS NË FJALORIN E PËRBASHKËT TË PROKURIMIT (CPV):

auditim kompjuterik dhe sherbimet e auditimit

VLERA E FONDIT LIMIT:

2,696,667 (dy milion e gjashtëqind e nentëdhjetë e gjashtë mijë e gjashtëqind e gjashtëdhjetë e shtatë) leke pa TVSH.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor SHRUKSH ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

Objektivat e projektit:

Objektivat e këtij projekti janë:

- Të kryhet një analizë gjithë përfshirëse e mangësive të “ISMS” aktuale të Autoritetit Kontraktor kundrejt standardit ISO/IEC 27001:2022;
- Të identifikohet çdo boshllëk ose mangësi e “ISMS” të Autoritetit Kontraktor;
- Të jepen rekomandime për përmirësimin e “ISMS” të Autoritetit Kontraktor;
- Të zhvillohet një udhërrëfyes për zbatimin e përmirësimeve të rekomanduara të sigurisë.
- Testimi i sigurisë së të gjitha sistemeve dhe shërbimeve të ekspozuara në internet të Autoritetit Kontraktor në mënyrën Blackbox, duke përfshirë faqet web, aplikacionet web, API-të, serverët publikë, pajisjet e sigurisë së perimetrit (firewall, VPN gateways, reverse proxies), si dhe shërbimet e tjera të aksesueshme nga rrjeti publik.

- Të identifikohen të gjitha boshllëqet, dobësitë dhe mangësitë e sigurisë që mund të shfrytëzohen nga një sulmues i jashtëm.
- Verifikimi i efektivitetit të kontrolleve të sigurisë për sistemet dhe shërbimet e publikuara në internet.
- Vlerësimi i nivelit të ekspozimit të aseteve të organizatës ndaj kërcënimeve të jashtme kibernetike.
- Të jepen rekomandime për përmirësimin e boshllëqeve dhe dobësive të identifikuara.
- Testimi I të gjitha paisjeve të rrjetit të Autoritetit Kontraktor në mënyrën Whitebox , pasijet e perfshira firewall,switch,routers,endpoints,servers,access control.
- Të identifikohen të gjithë boshllëqet ose mangesit në rrjetin e brendshëm.
- Verifikimi i kontrolleve të sigurisë për shërbimet e lidhura me Sistemet e Informacionit
- Të jepen rekomandime për përmisimin e boshllëqeve të gjendura.

** ISMS – Sistemi i Menaxhimit të Sigurisë Informatike*

Rezultatet e pritshme:

Rezultatet e pritshme të këtij projekti janë:

- Një raport gjithë përfshirës I analizës së mangësive që detajon “ISMS”-në aktuale të Autoritetit Kontraktor dhe çdo boshllëk ose mangësi të identifikuar kundrejt standardit ISO/IEC 27001:2022;
- Një udhërrëfyes për përmirësimin e “ISMS” të Autoritetit Kontraktor, duke përfshirë rekomandime specifike dhe afate kohore për zbatimin.
- Raport gjithë përfshirës per testimin Internal(te brendshem) për sa i përket mangesive edhe boshlliqeve të gjendura pranë sistemeve të Autoritetit Kontraktor (mënyra e identifikimitm,rrezikshmeria edhe efekti zinxhir qe mund të sjelli kjo mangesi)
- Raport gjithë përfshirës për sa i përket përmisimeve në formë udhërrëfyesi , duke perfshirë rekomandime specifike dhe afate kohore për zbatim.
- Raport gjithëpërfshirës për sa i përket mangësive dhe dobësive të identifikuara në sistemet e ekspozuara në internet të Autoritetit Kontraktor, duke përfshirë metodën e identifikimit, nivelin e rrezikshmërisë, ndikimin potencial dhe efektet zinxhir që mund të shkaktojë secila dobësi.
- Raport gjithëpërfshirës për masat përmirësuese në formë udhërrëfyesi, duke përfshirë rekomandime specifike teknike dhe organizative, si dhe afate kohore për zbatimin e tyre.
- Evidentimi i aseteve të ekspozuara publikisht dhe vlerësimi i sipërfaqes së sulmit (Attack Surface Assessment).

Dokumentet që duhet të dorëzohen:

Operatori Ekonomik, i cili ofron konsulencën do të jetë përgjegjës për lëvrimin e dokumentave të mëposhtme:

- Një raport gjithëpërfshirës I analizës së mangësive, duke përfshirë një përmbledhje ekzekutive, një vlerësim të detajuar të “ISMS” të Autoritetit Kontraktor dhe një listë të boshllëqeve ose mangësive të identifikuara kundrejt standardit ISO/IEC 27001:2022;

- Një udhërrëfyes për përmirësimin e “ISMS” të Autoritetit Kontraktor, duke përfshirë rekomandime specifike dhe afate kohore për zbatimin.
- Raport gjithë përfshirës për sa i përket mangësive edhe boshlliqeve të gjentura pranë sistemeve të Autoritetit Kontraktor (menyra e identifikimit, rrezikshmëria edhe efekti zinxhir që mund të sjelli kjo mangësi)
- Raport gjithë përfshirës për sa i përket përmisimeve në formë udhërrëfyesi , duke përfshirë rekomandime specifike dhe afate kohore për zbatimin.
- Raport gjithëpërfshirës për sa i përket mangësive dhe dobësive të identifikuara në sistemet e ekspozuara në internet të Autoritetit Kontraktor, duke përfshirë metodologjinë e testimit, mënyrën e identifikimit, nivelin e rrezikshmërisë dhe ndikimin e mundshëm në operacionet e institucionit.
- Raport gjithëpërfshirës për sa i përket përmirësimeve në formë udhërrëfyesi, duke përfshirë rekomandime specifike, priorizim të masave korrigjuese dhe afate kohore për zbatimin e tyre.
- Prezantim ekzekutiv i gjetjeve kryesore dhe nivelit të përgjithshëm të riskut të identifikuar.

Shërbime që do të ofrohen:

Operatori Ekonomik, i cili ofron konsulencën duhet të ofrojë shërbimet e mëposhtme:

- Kryerja e një analize gjithë përfshirëse të mangësive të “ISMS” aktuale të Autoritetit Kontraktor kundrejt standardit ISO/IEC 27001:2022, duke përfshirë një vlerësim të politikave, procedurave dhe teknologjive ekzistuese;
- Identifikimi i boshllëqeve apo mangësive në “ISMS” të Autoritetit Kontraktor;
- Një udhërrëfyes për përmirësimin e “ISMS” të Autoritetit Kontraktor, duke përfshirë rekomandime specifike dhe afate kohore për zbatimin.
- Testimi i të gjitha paisjeve të rrjetit të Autoritetit Kontraktor.
- Të identifikohen të gjithë boshllëqet ose mangësit në rrjetin e brendshëm.
- Verifikimi i kontrolleve të sigurisë për shërbimet e lidhura me Sistemet e Informacionit
- Të jepen rekomandime për përmirësimin e boshllëqeve të gjendura.
- Identifikimin dhe analizimin e aseteve të ekspozuara në internet.
- Testimin e sigurisë së faqeve web, aplikacioneve web, API-ve dhe shërbimeve të tjera të aksesueshme publikisht.
- Testimin e sigurisë së pajisjeve të perimetrit dhe shërbimeve të aksesit në distancë.
- Identifikimin e dobësive të konfigurimit, dobësive të njohura dhe mangësive të sigurisë në sistemet e ekspozuara.
- Verifikimin e kontrolleve të sigurisë për mbrojtjen ndaj sulmeve të jashtme.
- Simulimin e sulmeve të kontrolluara për të vlerësuar nivelin e rezistencës së sistemeve ndaj kërcënimeve të jashtme.
- Ofrimin e rekomandimeve për përmirësimin e nivelit të sigurisë kibernetike.

Plani i zhvillimit të projektit:

Afatet e zbatimit të projektit do të jenë si më poshtë:

- Java 1-2: Konfirmimi I qëllimit të punës, planifikimi I burimeve duke përfshirë përgjegjësitë e ekipit, identifikimi I kërcënimeve të mundshme për realizimin e projektit, mbledhja e të gjithë informacionit të nevojshëm dhe kryerja e analizës së mangësive dhe testeve;
- Java 3: Analizimi I gjetjeve dhe zhvillimi I udhërrëfyesit dhe raporteve të penetration testing;
- Java 5: Prezantimi I gjetjeve dhe rekomandimeve kundrejt Autoritetit Kontraktor.

Përfundimi i punës:

Duke ndjekur këtë proces pune, Autoriteti Kontraktor mund të presë të marrë një vlerësim të plotë dhe efektiv të sigurisë kibernetike, si dhe një plan të qartë për përmirësimin e qëndrimit të përgjithshëm të sigurisë në përputhje me standardin më të fundit të industrisë specifike për ISO **27001-2022**. Konsulenti, nga ana tjetër, do të ketë pritshmëri dhe udhëzime të qarta për ofrimin e shërbimeve me cilësi të lartë dhe arritjen e suksesit të projektit brenda buxhetit dhe afatit kohor të specifikuar.

1. KRITERET E PËRGJITHSHME TË PËRZGJEDHJES/ KUALIFIKIMIT

Ofertuesi deklaron se:

- a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;
- b) nuk është në proces falimentimi (status aktiv);
- c) nuk është dënuar për ndonjë vepër penale, në përputhje me nenin 76/1 të LPP-së;
- ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënuar ose nuk ka qenë i dënuar nga një vendim i gjykatës i formës së prerë për çdo vepër penale, të përcaktuar në nenin 76/1 të LPP-së;
- d) nuk është dënuar me vendim gjyqësor të formës së prerë në lidhje me veprimtarinë profesionale;
- dh) nuk ka pagesa të pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së;

e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.

f) nuk është në kushtet e konfliktit të interesit, sipas legjislacionit në fuqi;

g) ushtron veprimtarinë në përputhje me legjislacionin përkatës mjedisor, social dhe të punës;

gj) ka paraqitur një Ofertë të pavarur, sipas kërkesave të legjislacionit në fuqi;

h) kryen aktivitetin në përputhje me kërkesat e legjislacionit në fuqi.

i) nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë/kanë qenë në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit Publik, gjatë kohës që ky vendim është në fuqi.

Nëse gjuha e përdorur në procedurë është gjuha shqipe, atëherë dokumentet e gjuhës së huaj duhet të shoqërohen nga një përkthim i noterizuar në shqip.

Këto kritere duhet të përmbushen me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojcës 10.

Në rast bashkimi të operatorëve ekonomikë, secili anëtar i grupit duhet të paraqesë Vetëdeklarimin e lartpërmendur.

Në rast se operatori ekonomik ofertues do të mbështetet në kapacitetet e subjekteve të tjera, Vetëdeklarimi i lartpërmendur duhet të paraqitet edhe nga subjekti mbështetës.

Kriteret e Përgjithshme të Pranimit nuk duhet të ndryshohen nga Autoritetet/Entet Kontraktore.

Në çdo rast, Autoriteti/EntiKontraktor ka të drejtë të kryejë verifikimet e nevojshme për vërtetësinë e informacionit të deklaruar nga Operatori Ekonomik, për sa më sipër.

➤ Nëse oferta paraqitet nga një bashkim Operatorësh Ekonomikë, do të paraqitet :

Marrëveshje bashkëpunimi ndërmjet Operatorëve Ekonomikë, ku caktohet përfaqësuesi, përqindja e pjesëmarrjes në bashkim, dhe elementët që merr përsipër të realizojë secili prej anëtarëve të bashkimit.

➤ Nëse, një operator ekonomik dëshiron të mbështetet në kapacitetet e subjekteve të tjera, ai i vërteton autoritetit ose entit kontraktor se do të ketë në dispozicion burimet e nevojshme, duke dorëzuar një angazhim me shkrim të këtyre subjekteve për këtë qëllim.

2. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. *Formularin Përmbledhës të Vetëdeklarimit, sipas shtojcës 10*

b. *Sigurimin e Ofertës, sipas Shtojcës 3;*

Argumentimi: Kërkesat e mësipërme bazohen në nenet 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.

Kriteret e mësipërme janë vendosur në përputhje me Nenin 82 “Formulari përmbledhës i vetdeklarimit” dhe Neni 83 “Sigurimi i ofertes”, të Ligjit Nr.162/2020 “Për Prokurimin Publik” si dhe në mbështetje të nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik: citojmë Neni 83 i LPP “Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”, Neni 82, i LPP “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetdëklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik”.

2. Ofertuesi duhet të paraqesë:

2.1 Kapacitetin profesional të operatorëve ekonomikë:

Sipas kriterëve të përgjithshme

Argumentimi: Kërkesa e mësipërme bazohet në nenin 77, pika 1/a dhe 2, të LPP, nenit 41, pika 4, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.

2.2 Kapaciteti ekonomik dhe financiar:

2.2.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare 2023, 2024, 2025 ku vlera e xhiros për të paktën një nga vitet e periudhës së kërkuar duhet të jetë jo më e vogël se 40 % e vlerës së parashikuar të kontratës (vlera e fondit limit)

2.2.2 Operatorët ekonomikë duhet të paraqesin bilancet vjetore, për vitet financiare 2023, 2024, 2025 të konfirmuara nga administrata tatimore, ku bilancet e dy viteteve të njëpasnjëshme, nuk duhet të kenë raport negativ ndërmjet aktivit dhe pasivit.

Në rastin e bashkimit të operatorëve ekonomik, çdo anëtar i grupit duhet të dorëzojë vërtetimin lëshuar nga autoriteti përkatës në të cilin është regjistruar sipas QKB.

Shënim: Kjo kërkesë përmbushet nëpërmjet plotësimit dhe paraqitjes nga operatorët ekonomikë të formularit përmbledhës të vetëdeklarimit, sipas shtojcës 10 të DST. Dokumentacioni provues do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit dhe nisjes së afateve të ankimit ose nëse do të jetë nevoja për t'u kërkuar sqarime nga AK.

Në cdo rast AK ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik ose ti kërkojë operatorit ekonomik sqarime dhe dokumente mbështetëse për këto sqarime.

Argumentimi: Kërkesat e mësipërme janë përcaktuar sipas vlerës së fondit limit të kësaj procedure, sipas nenit 77, pika 3, të ligjit nr. 162/2020, si dhe neneve 43 dhe 55, të VKM-së nr. 285, datë 19.05.2021 "Për miratimin e rregullave të prokurimit publik", me qëllim që autoriteti kontraktor të kuptojë nëse operatorët ekonomikë ofertues kanë apo zotërojnë mundësitë e nevojshme financiare për të përmbyllur punët publike me sukses. Xhirot e tre viteve të fundit janë 2021, 2022 dhe 2023, që rezulton të jenë përmbyllur edhe sipas legjislacionit tatimor. Përqindja e kërkuar mbi xhiron vjetore është një përqindje minimale sipas RRPP-ve dhe xhiro e tre vjetëve e kërkuar, jo vetëm që përputhet me praktikën administrative të prokurimeve publike të ndjekur deri më tani, por është e rëndësishme për të vlerësuar kapacitetin ekonomik të ofertuesit dhe kuptuar nëse është i aftë financiarisht për të përmbyllur punët publike pranë autoritetit kontraktor.

Po kështu, që nga operatorët ekonomikë të vërtetohet kapaciteti ekonomik, ata mund të paraqesin kopje të bilanceve të tre viteve të fundit për vitet 2022, 2023, 2024, si mbas xhirove vjetore, të depozituar pranë autoriteteve përkatëse tatimore, të konfirmuara nga ky autoritet, sipas ligjit nr. 10091, datë 05.03.2009 "Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar", të ndryshuar. Paraqitja e bilanceve është një mundësi, në rast se operatori ekonomik ofertues paraqet xhirot e kërkuara. Këto kërkesa të vendosura në DST (për mundësinë e paraqitjes së bilanceve dhe detyrimin e paraqitjes së dokumenteve për xhiron vjetore) përputhen edhe me nenin 9 të ligjit nr. 25/2018 "Për kontabilitetin dhe pasqyrat financiare" dhe ligjin nr. 10091, datë 05.03.2009 "Për auditimin ligjor, organizimin e profesionit të ekspertit kontabël të regjistruar dhe kontabilistit të miratuar", të ndryshuar, sipas të cilëve periudha e raportimit financiar është 12 muaj dhe periudha e depozitimit të pasqyrave financiare është nga 12-15 muaj. Po kështu, duke qenë se mund të marrin pjesë si ofertues edhe bashkime operatorësh ekonomikë, atëherë secili prej operatorëve ekonomikë të bashkuar, duhet të depozitojë dokumentacionin si më lart.

Përcaktimi i viteve të kërkuara për paraqitjen e bilanceve është bërë duke i'u referuar legjislacionit të fushës, konkretisht, ligjit nr. 8438, datë 28.12.1998 "Për tatimin mbi të ardhurat", të ndryshuar, ku përcaktohen kushtet dhe afatet e dorëzimit për Deklaratat individuale vjetore e të ardhurave: "Çdo tatimpagues përgatit deklaratën vjetore të të ardhurave të tatueshme në

formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njëjtën kohë bilancin kontabël, së bashku me anekset e tij, si dhe çdo të dhënë tjetër të përcaktuar në udhëzimin e Ministrit të Financave në zbatim të këtij ligji.”; si dhe shkronjës c, të nenit 41 të ligjit nr. 10091, datë 5.3.2009 ”Për auditimin ligjor, organizimin e profesionit të audituesit ligjor dhe të kontabilistit të miratuar”, ku parashikohet se: ”Detyrohen të kryejnë auditimin ligjor të pasqyrave financiare vjetore, përpara publikimit të tyre, nga ekspertë kontabël ose shoqëri audituese: ... c) shoqëritë me përgjegjësi të kufizuar, të cilat zbatojnë për raportimin financiar standardet kombëtare të kontabilitetit, kur, në mbyllje të periudhës kontabël, për dy vite radhazi, tejkalojnë dy prej tre treguesve të mëposhtëm: i. totali i aktiveve të bilancit, në mbyllje të periudhës kontabël përkatëse, arrin ose e kalon shumën prej 50 milionë lekësh; ii. shuma e të ardhurave nga veprimtaria ekonomike (qarkullimi) në atë periudhë kontabël arrin ose e kalon shumën prej 100 milionë lekësh; iii. ka, mesatarisht, 30 të punësuar gjatë periudhës kontabël.”. Po kështu, kjo kërkesë bazohet edhe në udhëzimin e Ministrit të Financave nr. 5, datë 30.01.2006 ”Për tatimin mbi të ardhurat”, i ndryshuar, si dhe kërkesave të ligjit nr. 25/2018 ”Për kontabilitetin dhe pasqyrat financiare”.

2.2 Aftësitë teknike dhe profesionale:

2.2.1 Sherbime të mëparshme të ngjashme me një vlerë prej 20% të fondit limit të objektit të prokurimit, të realizuar gjatë tre viteve të fundit nga data e shpalljes së njoftimit të kontratës, vertetuar me dokumentacionin vertetues si më poshtë:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuar sipas kërkesave të legjisllacionit në fuqi dhe të deklaruara në organet tatimore ku shënohen datat, shumat dhe sasi të mallrave të furnizuara,
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuar sipas kërkesave të legjisllacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 ”Për prokurimin publik” dhe nenit 40, pika 4 (ose në rastin e procedurave të thjeshtuara në nenin 55, pika 4/b), të VKM nr. 285, datë 19.05.2021 ”Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Kontrata e ngjashme eshte e domosdoshme per te vertetuar eksperiencen e operatoreve ekonomik ofertues, me qellim qe te garantohet zbatimi i kontrates me sukses, vlere eshte e percaktuar me VKM .

2.2.2 Operatori ekonomik duhet të paraqesë çertifikata të vlefshme:

- ISO 9001 ose ekuivalente të sistemit të menaxhimit të cilësisë,
- ISO 27001-2022 ose ekuivalente për sistemin e menaxhimit të sigurtisë së informacionit

Qëllimi i certifikimit të kompanisë duhet të jetë sipas fushës së objektit që do të prokurohet.

Çertifikatat të jenë lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë.

Argumentimi: Kërkesat e mësipërme vendosur bazuar në nenin 77 e LPP, si dhe nenit 44 të VKM nr. 285, datë 19.05.2021 “Për miratimin e rregullave të prokurimit publik”. Keto kritere janë gjykuar si të domosdoshme, pasi keto çertifikata ka të bëjnë me tre elemente shumë të rëndësishme:

ISO 9001: Cilësia e kryerjes së shërbimit; shërben autoritetit kontraktor për të garnatuar se operatorët ekonomik ofertues janë të certifikuar për të kryer shërbime me cilësi sipas standarteve

ISO 27001-2022 ose ekuivalente për sistemin e menaxhimit të sigurtisë së informacionit; shërben autoritetit kontraktor për të garnatuar se operatorët ekonomik ofertues janë të certifikuar në menaxhimin e sigurtisë së informacionit.

2.3.3 Për shkak të natyrës kritike të projektit dhe kompleksitetit teknik të implementimit të Sistemit të Menaxhimit të Sigurtisë së Informacionit (SMSI), operatori ekonomik duhet të disponojë staf të specializuar dhe të certifikuar në fushat përkatëse si më poshtë:

1. Operatori ekonomik duhet të disponojë minimalisht 1 (një) specialist të certifikuar në Sigurinë Kibernetike, Teknologji Informacioni ose fusha ekuivalente.

Ky ekspert do të jetë përgjegjës për:

- analizimin e arkitekturës së sigurtisë;
- identifikimin e risqeve teknike;
- hartimin e kontrolleve të sigurtisë;
- implementimin e praktikave sipas ISO/IEC 27001;
- përafrimin e kërkesave të AKSK me proceset institucionale.

Prania e këtij eksperti konsiderohet thelbësore për shkak të kompleksitetit teknik të projektit dhe nevojës për ekspertizë të avancuar në fushën e sigurtisë së informacionit.

1. Operatori ekonomik duhet të disponojë minimalisht 1 (një) Project Manager të certifikuar.

Ky rol është i nevojshëm për:

- koordinimin e aktiviteteve të projektit;
- menaxhimin e afateve dhe deliverables;
- monitorimin e implementimit;
- komunikimin institucional;
- garantimin e realizimit të projektit sipas standardeve të përcaktuara.

Menaxhimi korrekt i projektit është faktor kyç për realizimin në kohë dhe me cilësi të objektit të kontratës.

3. Operatori ekonomik duhet të disponojë minimalisht 1 (një) specialist të certifikuar Threat Hunter ose Cyber Threat Analyst.

Këta ekspertë do të kontribuojnë në:

- identifikimin e kërcënimeve të avancuara;
- analizimin e incidenteve potenciale;
- ndërtimin e mekanizmave të monitorimit;
- hartimin e procedurave të reagimit;
- analizimin e indikatorëve të komprometimit.

Kjo kërkesë konsiderohet e domosdoshme për shkak të nivelit të lartë të ekspozimit të institucioneve publike ndaj sulmeve kibernetike.

4. Operatori ekonomik duhet të disponojë minimalisht 1 (një) specialist të certifikuar për sigurinë e rrjetit.

Eksperti do të jetë përgjegjës për:

- analizimin e infrastrukturës së rrjetit;
- identifikimin e dobësive teknike;
- hartimin e masave të segmentimit dhe mbrojtjes së rrjetit;
- përcaktimin e kontrolleve të aksesit dhe komunikimit.

5. Operatori ekonomik duhet të disponojë minimalisht 1 (një) specialist të certifikuar MCSE ose ekuivalent.

Kjo kërkesë justifikohet nga fakti se infrastruktura e institucioneve publike mbështetet kryesisht në:

- Microsoft Active Directory;
- Windows Server;
- Microsoft Exchange;
- platforma Microsoft për administrimin e përdoruesve dhe aksesit.

Eksperti do të asistojë në implementimin e kontrolleve të sigurisë në ambientet Microsoft.

6. Operatori ekonomik duhet të disponojë minimalisht 1 (një) auditues të certifikuar ISO/IEC 27001.

Ky ekspert garanton:

- përputhshmërinë e dokumentacionit me standardin;
- auditimin e proceseve të sigurisë;
- identifikimin e mospërputhjeve;
- rekomandimet për përmirësim të vazhdueshëm.

7. Operatori ekonomik duhet të disponojë minimalisht 1 (një) auditues të certifikuar ISO 9001.

Ky ekspert do të kontribuojë në:

- standardizimin e proceseve;
- garantimin e cilësisë së dokumentacionit;
- implementimin e praktikave të menaxhimit të cilësisë;
- përmirësimin e proceseve institucionale.

8. Operatori ekonomik duhet të disponojë minimalisht 1 (një) specialist të certifikuar Penetration Tester

Eksperti do të jetë përgjegjës për:

- planifikimin e testimeve të rrjetit;

- sulmin e kontrolluar mbi sistemet;
- analizimin e pergjigjeve;
- krijimin e raportit perfundimtar te testit te penetrimit.

Shënim: *Kerkesat e mesiperme ne lidhje me stafin përmbushen nëpërmjet plotësimit dhe paraqitjes nga operatorët ekonomikë të formularit përmbledhës të vetëdeklarimit, sipas shtojcës 10 të DST. Dokumentacioni provues do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit dhe nisjes së afateve të ankimit ose nëse do të jetë nevoja për t'u kërkuar sqarime nga AK.*

Argumentimi

Për të provuar kapacitetet teknike dhe profesionale të shoqërisë është kërkuar personel i nevojshëm referuar zërave të preventivit dhe termave te references të objektit per realizimin e kontrates ne mbështetje te pikës 4 të Nenit 77 te Ligjit 162, datë 23.12.2020, për “Prokurimin publik”, ku përcaktohet se “në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie” si dhe në mbështetje te Nenit 39 te VKM Nr.285, date 19.05.2021 “Për miratimin e rregullave të prokurimit publik”, pika 6, germa (c) ku specifikisht përcaktohet: Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon: :..... një listë të personelit kryesor, të nevojshëm për të zbatuar objektin e prokurimit dhe/ose komponentët e saj. Ne rastin konkret eshte e domosdoshme stafi i specializuar pasi kemi te bejme me nje proces sherbimi qe kerkohen njohuri specifike per te gjithë procesin.

Në konsideratë te përcaktimet e nenit 26, pika 6, të VKM nr. 285, datë 19.05.2021, i ndryshuar, “Përpara publikimit të njoftimit të fituesit dhe nisjes së afateve të ankimit, ofertuesi i kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike, duhet të paraqiten në origjinal ose në kopje të njësuar me origjinalin.”.

Njesia e Prokurimit

